



Kumina a tawp nan Branch Executive Committee an meeting

Chanmari West, 9th Dec : Ni 6.12.2012 zan khan kumin 2012 chhunga Branch Executive Committee meeting hnukung ber chu an thu a, thu pawimawh tak tak rel a ni.

Ni 11.12.2012 zanah kum 2013 chhunga kan Branch YMA OB tur thlan huna hunserh hmang turin Pi Lalbiakngheti, President MHIP Chanmari West Branch chu ruat a ni. Zai tur hian NI C. Lalrinsangi, CH Section leh Vana pa Section Male Voice te zai tura ruat an ni.

Tv James Lalchhuanthanga chu hun remchang hmasa berah Branch YMA hmingin tlawh nise tih a ni.

Central YMA in Sub Committee a dinah kan Branch YMA atangin heng mite hi member atan an ruat a ni.

- 1. Pu Lalchhanhima Kumpuan
- 2. Pu VL Thakima Culture
- 3. Tv Zairemmawia Sport
- 4. NI Lalramengzami Project

Chawngbawla Section-in Ni 12.12.2012 (Nilai) zan inkhawmbana Section Project an hman chhoh mek a

kharna YMA Park a an hman tura Br. Executive member te telpui tura min rawn sawm angin telpui nise tih a ni.

Upa Zothangzuala Chhangte, Secretary Krismas & Kumthar Committee Chanmari West Presbyterian Kohhranin, Krismas leh kumthar lawmna ruai thehna atan YMA bungrua hman a rawn dil chu phalsak a ni.

Kumin chhunga Branch Executive Committee vawi 13 thut a kal kim mi 7 te hnenah kal kim lawmman ah Rs 500/-theuh hlan nise tih a ni.

Branch YMA in chair kan neih te hmun hrang hrangah a awmdarh ni a hriat a nih avangin, Property Committee ten lo la khawm se tih a ni.

Sual dona kawngah Vaivakawn Police te nen thawhhona tha leh zual kan neih chhonzawm zel theih nan inkawmhona neih nise tih a ni.

Branch News

Ni 6.12.2012(Ninga) zan khan kumin chhunga a hnukung berna atan Br Executive Committee meeting a ni.

Pu Lallianringa-te chhungkua 'CH' Section a mite chuan YMA Relief Fund a dah turin Rs 10,000/- YMA te min rawn pe a, an chungah lawmthu kan sawi a ni.

Ni 11.12.2012 zana hruaitu thlan huna hunserh hmangtu atan Pi Lalbiakngheti ruat thar a ni a. Zai turin NI C. Lalrinsangi 'CH' Section leh Male Voice Vanapa Section-te ruat belh an ni.

Ni 18.12.2012 zana Advance Krismas leh Carol Service hman tura ruahman tawh chu, rokhwahlhna a awm vangin Ni 19.12.2012 (Nilai) zan inkhawmbanah hman zawk tur a ni.

Branch Reoprt a telh tura Section leh Sub Committee ten report Branch Secretary hnena thehluh tur kha vawiin hi hun tiam tawp a ni a, la thehluh lo ten thehluh hram turin kan inngen e.

Neuva Section ten YMA Zawlbukah a tul anga hman turin thutthleng 50 an dah chu an chungah lawmthu kan sawi a ni.

Thlan chei tur ten thlan cheina hmanrua kumtlwana awm reng tur ang chi chuan chei lo turin kan inngen.

Kumin Krismas lo thleng turah hian kan vengchhungah chhungkaw 15 te hnenah Krismas Present atan Rs 1500/- theuh hlan tum a ni.

LUSUN

Ni 1.12.2012 (Inrinni) zan khan Pi Lalchhingpuii kum 79 W/o T. Lalbuai (L) 'CH' Section chuan min boral san a, lusun chhungte kan tawrhpu tak zet a ni.

TUNKAR CHANGVAWN
Chutichuan Kristan tisaa a tuar avangin nangni pawh chutiang rilruknain inthum ve rawh u.
I Petera 4 : 1

Branch YMA hruaitu thlan Programme

- A hun : Ni 11.12.2012 (Thawhle) dar 7:00 Pm.
- A hmun : YMA Zawlbuk
- Returning Officer: Pu F. Zosanga, Chairman Local Council
- Asst Returning Officer : Pu Lalrengpuia Sailo, Adviser
- Hunserh : Pi Lalbiakngheti, President, CWMHIP
- Mal zai : 1. NI. Lalbiakzuali 'V' Section
2. NI. C. Lalrinsangi 'CH' Section
- Accapella : Vana pa Section
- Trio : Khuangchera Section.

KUMIN CHHUNGA BRANCH COMMITTEE KAL KIM TE :

Kumin chhung hian Branch Exe Comt. vawi 13 thut a, kal kimte.

- 1. Pu T.Ngurkhuma
- 2. Pu R.Lalmachhuana
- 3. Pu R.L.Thanhnuna
- 4. Pu K.Darthantluanga
- 5. Pu R.Lalmalsawma
- 6. Pu Lalramhluna Hauhnar
- 7. Pu Zonunsanga

NGENNA

Kum 2013 chhunga kan Branch YMA hruaitu turte thlan Na Ni 11.12.2012 (Thawhle) zan dar 7:00 a YMA Zawlbuk a kan neih turah YMA member zawng zawngte kal turin kan insawm a. Tin, a bik takin kan Branch YMA chhunga Branch Executive member, Section Committee, Sub Committee leh YMAAW a nihna neite chu kal ngei turin kan inngen a ni.

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	<i>T. Ngurkhuma</i>	9436190843
Vice President	<i>R. Lalmachhuana</i>	9436151817
Secretary	<i>RL. Thanhnuna</i>	9436152760
Asst. Secretary	<i>Zairemmawia</i>	9862385654
Treasurer	<i>C. Lalzarliana</i>	9436142049
Fin.Secretary	<i>K. Darthantluanga</i>	9436196071
Adviser-te :	<i>Pu Lalbiakthanga Khiangte</i>	
	<i>Pu Rothuama, Pi Zamanthangi</i>	
	<i>Pu Lalrengpuia Sailo</i>	

Editorial :

Tunkar chu kan branch hruaitu tur kan thlan hun a lo ni ta a, memberte thahnemngai takin kal ila, inthlan hunah ngaihtuahna fim tak hmang bawh ila, kan hruaitu tur mi tha tak tak kan thlang chhuak leh thei ngei ang. Hruaitu tha leh tha lo thlan chungchanghian memberten mawh kan phur ber a ni.

Hruaitute mawhphurhna hi a sang hle mai. Chuvang chuan memberte pawh hian phut chin leh hriatthiamna nen kan thlir angai a ni. An chhungkua leh khawtlang nun nena mawhphurhna lian tak an lak kawp avangin, pawlin kan programme zawng zawnga tel tura kan beisei a dik bik lovang. Taima leh fuihna nen kan zui tlan hian kan telna pawl pawhin hma a sawn phah ngei dawn a ni.

Hruaitute hian kan duh vang reng a ni emaw ni lo emaw memberten min thlan tawh chuan chak taka pawl hruai kan tum tur a ni. Hetih lai hian kan chhungkaw nun nena inzawm tlat pawl a nih avangin kan kaihkawp thiam a ngai a, hriatlawk loh prigramme tih loh phei chuan duan dan kan thiam a ngai a ni. Pawl hruaitu kan nih ang ngei hian kan chhungkaw nun pawh hian belhchet dawl leh mite infuihna kan nih theih nan a tan kan lak a pawimawh khawp ang.

2012 Thuvawn

I awmdan tur chu LALPA chungah ngat la; Amah chu ring la, aman a ti vek ang.

Article :**PAWL LEH A BEHBAWM**

- Lalnunthara Sailo

Heti hian Arabian Nights Vol-VIII thuhmahruaiah a letlingtu PL Liandinga chuan kan vengaw pawl ho ber mai chungchang a ziak a. 'Thian tha tak tak leh duhawm tak tak, pawisa puka dil hma loh chu thian tha tak, han dil veleh a mi hrang ta hi he khawvelah hian thian engzat tak nei ang i maw! Ngaihtuah tur in hriat loh chang chuan i ngamtlakte zingah tunge mamawh thut thilaw pawisa puka i dil ngam, tu hnen atangin nge i dil chhuah ang tih lo ngaihtuah ve mai mai la, i duh chuan, he khawvelah hian tunge i vengte (A bible tawngkam takin) tih i hre thei mah na.

Ngawireng pawl nena han inhmukhawm te hi chu a nuam ngawt mai. Ngawireng pawl han nih hrim hrim te hi mak danglam ve tak a ni. Mahse, ngawireng pawl e ti lo chuan an inhmukhawm chu bengchheng ve tak an ni. Mizo tawng leh a ziah dante hi a ziaktu lam ngaihtuah reng reng lovin an chai hrep hrep mai a, ropui leh lansarh tum chuang hauh si lo, ngaihdan zalen leh nget tak mai nei zinga awm chu rinai takin thlarau lamin a ngeihin ka hria.

Ngawireng pawl inhmukhawm khatzia te, an inhmukhawm pawha mimal hamthatna tur an buaipui lohzia te, intihlar pawh an tum chuan lohzia te leh an thu khel an tih tak takzia te han hmuh a, an boruak han tawn ve chuan mihring nih hi a nuam thar leh thin a. Chu chauh ni lovin mahni hamthatna tur ni kher lo, a bika thil eng emaw buaipui pawl, intheh lar tum chuang si lo han hmuh hian Mizo hnam hi a zahawm sawt thin.

Mahni tuipui lam buaipuia chumi azara sorkar emaw eng pawlah emaw, tu mimal lak atang emawa hamthatna va neih kher tum chuang lo pawl tha tak mai kan mamawhzia hi! Pawl kan din chuan hriat tham nih kan chak nachhan chu sorkar nawr theih nan a ni tlangpui a. Chu lo lehah chuan chuta hruaitu kan nihna hmang chuan han invawrh lara, chuta tanga bawh lam tur melh te kan ching chho ta. Chumi hmu pha chin tan chuan puih kan chakawm tawh lo zo thin.

Chutiang hre ve pha a inggai tan chuan ngawireng pawl, chawlhni tlaia inhmukhawm thin boruak han hip ve te chu tisain a ngeih phian. Ngaihdan nei lo ni awm fahrana J.Nangate thuin ngaihdan awmkhawh zet mai an han

vawrh chhuah changte hi chuan a hlimawm zual a. Pu Chawia ten lal hla dap maia thu an han thlep kual a, an han bawl phuan thinte leh U Zorampela ten hmel fai vur mai a, 'In hre zawk ang a' an han ti thin te pawh a ngaihnawm khawp. A meizanghlaptu Pathara lah....." (PL Liandinga hi kum 2004 khan Ngawireng pawl member phur tak ni turin a rawnin pe ve a.)

A chungaw PL Liandianga thuziak ka chhiar hian heti zawng hian ka ngaihtuahna a awm. Mizoramah hian pawl a tam hle a, pawl an din tam zawk hi chuan mipui hamthatna tur lam aiin an pawl leh a memberte hamthatna tur lam kawng a zawh tlangpui a. Mizorama Pawl awm zingah chuan YMA hian mipui a huap zoin a zahawm ber a tih ngam a. Chutiang taka pawl ropui a nih avang chuan Mizoram puma pawl lian ber hruaitu nih pawh kawng thenkhatah chhenfakawm tak a lo ni thei a, chu a chhenfakawmna hmu pha chuan chu pawl hruaitu nih chu an inchuh ta a ni ang.

CYMA inthlan-ah te pawh 'campaign' tih thawm hriat tur a awm ta hial a, CYMA hruaitu chuan Political party-ah dinhmun sang a luah theih avangin CYMA hruaitu nih chu Politic khelhna rahbi tha tak a ni tih chu mi thenkhatin an hmuin an hria tih chu sawi ngam a ni. CYMA chuan YMA chu pawl thianghlim Political party nena inmihran a nih avangin YMA thianghlim zel nan CYMA OB politics khel duhte tan dan thar a siam a ngai ta hial a ni. Group, Joint leh Branch YMA OB te tan pawh YMA leh Political Party a nihna neih kawp chungchang hi ngaihtuah chian a pawimawh hle, YMA leh Political Party nihna kan kalkawp tir lutuk chuan YMA hian zahawmna a hlauh thei si a.

KHUANGCHERA

Intihhlim nana Section Sport chu ropui takin Asst. Leader, Pu Lalrinliana'n Ni 4.12.2012 zan khan Govt. Middle School-ah a khar .

Sport atana Sum thawhtute:

1. Tv. David Malsawmkima - 1000/-
2. Pu William Lalremmawia - 500/-
3. Pu K. Darthantluanga - 500/-
4. Pu VL Huma - 500/-
5. Pu T. Bualzika - 500/-
6. Tv. Thangkuma - 500/-
7. Dr. Hmingthanzuala - 500/-
8. Pi Zohmingthangi - 500/-
9. Pu Lalrammawia Khiangte - 500/-
10. Pu F. Lalrinzuala - 500/-
11. Pu F. Zosanga - 500/-
12. Ni. Lalhmangaihzuai - 1000/-
13. Tv. H. Lalchhuanmawia - 500/-
14. Pu H. Laltanpuia - 500/-
15. Pu Lalhriatpuia - 500/-
16. Pu R. Ramfangzauva - 100/-
17. Pu Lalrinmawia - 500/-
18. Tv. J. Lalremruata - 500/-
19. Pu Lalfakzuala - 1000/-
20. Pu Lalchhanhima - 500/-

Heng mite chungah hian an va lawm tehlul em!!!

Sport nana School hmantirtu Govt. Chanmari West Middle School Headmaster & Staff chungah leh Indoor Stadium hmantirtu Indoor Stadium Managing Board leh Sport a hlawhtlin theihnana thahnemngai taka thawktu pawl hrang hrang hruaitute leh member thawkchhuak zawng zawng chungah lawmthu an sawi.

Ni 11.12.2012 (Thawhlehi) tlai dar 3:30 hian kum 2013 CWBYMA hruaitu thlanna turah thutthleng rem hnatlang Hruaitute tihur a ni a, ngai pawimawh hram turin an inhriattir.

Krismas vuakvetah Pu K. Lalengmawia (L) in chungah duty leh tur a ni a. Member-ten duty te hahdam taka siam tur leh duty te pui vek thei tura awm turin an inngen..

Ni 19.12.2012 (Nilai) zana Advance krismas leh Carol Service neih turah Section aiawha zaina a tel turin Khuangchera pawl te tlawmngai a tel turin an sawm a. Khuangchera pawl a tel zawng zawng te hemi zan a tel vek turin an inngen.

Sport result:

Volleyball:

- 1st - VL Huma Pawl
- 2nd - K. Darthantluanga Pawl
- 3rd - H. Laltanpuia Pawl leh Lalrinmawia Pawl

Football:

- 1st - H. Laltanpuia Pawl
- 2nd - VL Huma Pawl
- 3rd - Lalrinmawia Pawl leh K. Darthantluanga Pawl

Mass Race :

- 1st - H. Laltanpuia Pawl
- 2nd - K. Darthantluanga Pawl
- 3rd - VL Huma Pawl leh Lalrinmawia Pawl

Solo :

- 1st - H. Laltanpuia Pawl
- 2nd - K. Darthantluanga Pawl
- 3rd - VL Huma Pawl leh Lalrinmawia Pawl

Faifuk a inzaisiak:

- 1st - VL Huma Pawl
- 2nd - K. Darthantluanga Pawl
- 3rd - H. Laltanpuia Pawl leh Lalrinmawia Pawl

A pumpui dinhmun.

- 1st - VL Huma Pawl
- 2nd - H. Laltanpuia Pawl
- 3rd - K. Darthantluanga Pawl leh Lalrinmawia Pawl

CHAWNGBAWLA

Ni 4.12.2012 zan khan veng chung cheina turin Pu Chunga In chungah thingtang chein an hnatlang a, Ninga zan khan an chhunzawm leh a, member thawkchhuakte chungah lawmthu an sawi. Heng thingtangte hian kawt lai chei an tum a ni.

Ni 12.12.2012 (Nilai) zan inkhawm banah hian Section Sport closing function ropui taka hman tum a ni. Member a tam thei ang ber kal turin an inngen.

VANAPA

Ni 7.12.2012 (Zirtawp) zan khan Pu Ngulliana in chungah Vanapa Nite ropui takin an hmang a, chanvo neitu leh member tel zawng zawngte chungah lawmthu an sawi.

Vanapa Nite hmanna atana an in chung phal taka hmantirtu Pu Ngulliana te chhungkaw chungah lawmthu an sawi. Tin, sound system phal taka hmantirtu Tv B. Lalsawmzuala chungah an lawm hle.

Vanapa Nite hmanpui tura an section pawn lammi an sawmte'n an hun hlu tak senga an rawn telpui avangin an lawm hle. CH-section Senior Band te chungah lawmthu an sawi bawk.

Vawiin tlai Dar 2:30-hian Tv Chhuanga te inneihnaa Fatu turte Pu K. Rochungnunga inah kalkhawm tur a ni e.

NEUVA

Ni 8.12.2012 (Inrinni) khan Joint YMA Field, Vaivakawnah Football (Mipa & YMA Chhang) Ketaminu Race (Mixed) Relay Race (Mixed) leh 100 Mtr Race te neih a ni a, Memberte an kal tha hle a, An hlim

tlang in hlawkthlak an ti hle.

Ni 3.12.2012 (Thawhtan) zan khan Pasaltha Neuva Inah Corrom Board Final khelh a ni a, Ni 4.12.2012 (Thawhlehi) zan khan Indoor Stadium ah Volleyball Semi-Final leh Final khelh a ni a THINLANGA Group te an Champion a ni. Memberte an hlim tlang hle ani.

Ni 11.12.2012 (Thawhlehi) zan a Chanmari West Branch YMA Kum 2013 hruaitu tur thlannaah Member zawng zawng kal theuh tur a ni.

Zuangtui Khurah insuk, Inbual, Motor sil, Pipe hmang a tui lak, Motor a tui chawi te khap tlat a ni a. He khapna hi ngai pawimawh lova tilui an awm chuan Local Council leh Section YMA tang kawpin Action an la ang.

Neuva Sport-2012 atan a Lawmman tum saktu Pu Lalchhandama Leader, Pu Lalthanruma Asst. Leader, Pu HVL Zasanga, Pu Lalliansangpuia leh Tv Lalhriatkima te chungah Committee chuan lawmthu a sawi.

TAITESENA

Ni 8.12.2012 (Inrinni) khan section chuan Park Eden, Falklandah hlim takin an picnic.

An project zunin sak chu zawhfel thawkhat a ni tawh a, rawngnawih tura hmalak mek a ni.

Kumin Krismas vuakveta duty post atan Pu Lalngaihawm furniture workshop hman tum a ni.

An Section chhung kawng dung chei tura hmalak mek a ni a, chhungtinin mahni in theuh chei uar deuh turin an inngen.

Badminton Club

Ni 14.12.2012 hian One Day tournament buatsaih an tum a, member-te lo inbuatsaih turin an inchah.

An hruaitu thenkhatte Synod Khawmpuia Palai leh tul dangah an buai hle.

Thlanual Sub-Committee

Ni 5.12.2012 (Nilai) zan khan Pu Zothanpuia In T-Sec ah Meeting neih a ni a, thu pawimawh tak sawi ho a ni.

Tv Zoramthara, Committee Member chuan Ni 13.12.2012 (Ninga) a Nupui tha tak a nei tur chu an lawmpui hle a, Sub-Committee member zawng zawngte kal theuh tur a ni.

Member HA lo tat hriam lawk turin an in chah. A hun a lo thleng thuai dawn.

CVTTP

☞ Kum 2013 chhunga hruaitu tur a hnuai mi ang hian thlan tur a ni.

Ahmun : Library Building
Ahun : 14.12.2012 (Zirtawp)
Zan dar 6:30

Returning Officer : Pu H.Suana
Polling Officer : Pu RL Thanhnuna
Pu Lalliansangpuia
Pu C.Vanlalfela
Pu H.Lalramhluna

Inthlan zawh hian Eitur tuihnai tak leh Ball pen sem a ni ang.

☞ Kumin chhung a Library atang a Lehkhaw hawh tam mi 7 (Pasarih) leh Committee mi 3 (Pathum) Committee kalkim hnenah chawimawina inthlan zan hian hlan an ni ang.

☞ Kumin chhung atan Library Ni 15.12.2012 (Inrinni) thleng haw a ni dawn a. Hemi ni hian Lehkhaw hawh zawng zawngte dah lut vek turin an in ngen.

☞ An hruaitu Pu Lalthankhuma damlo damdawi in a awm mek chu dam leh thuai turin duhsakna an hlan a, YMA AW Editorial Board te tuang taka Krismas & Kumthar tuang taka hmang turin duhsakna an hlan.

Local Council

☞ Indoor hnuai Anganwadi sak chu zawh fel a ni ta a, Kar hmasa khan an luah tan.

☞ Centre No-I Anganwadi sak mek chu Ni 7.12.2012 (Zirtawp) khan C.O ten an endik a, tha an tiin veng mipuite inpeknaah lawmthu an sawi tak meuh meuh ani.

☞ Health Sub Centre hming thlak pawh beih chhonzawm zel a ni a. A nihna tak Chanmari West Health Sub Centre hming a put thuai beisei a ni.

☞ MP (LAD) hnathawh zawh fel a ni tawh a, endik tuten tha an tiin veng cheina chikhat atan entawn tha an ti hle.

☞ Kan MLA zahawm takin High School Building thawmthatna atan hna a siam pawh tuang taka thawh chhonzawm a ni.

☞ Lungleh Road hna tuang taka thawh a ni a, Councillor zahawm tak

CHHUNG TIN MAMAWH

Puanthui khawl, Puan par, Puan Chhah thui thei turin ka siam thei reng e. Gas Stova tha lo, Leak, Herh sak, Sim a thi pawh ka siam thei a. Khawl hlui puan eng pawh thui thei tlawm te a lei tur pawh a awm bawk. I mamawh chuan min han phone la, ka rawn pan mai dawn che a nia.

Save rawh le
LH CHAWNGTHU

(1-3) 9612322639

ZOFA NEWS

☞ Ni 30.11.2012 khan Falkawn-ah Ral Lu Lam shooting an nei a, tlawmngaia film changtu zawng zawngte chungah lawmthu an sawi.

☞ Ni 1.12.2012 khan Ramrikawn lamah shooting an chhonzawm a, remchan chuan ni 15.12.2012 (Inrinni) hian shooting chhonzawm an tum a, a chang turte chu inhriattir leh a ni ang.

☞ Ni 30.11.2012 khan Hmuifanga Thalfavang Kut hmannaah Khuallam an entir.

PEM CHHUAK

1. Pu Vanlalnungate chhungkua chu Pi Lianhipi 'CH' Sectionte In atangin Edentharah an pem

2. Pu Laldinthara chu Pu Mosia 'CH' Section atangin Lawngtlai, Bazar veng-ah a pem

PEM LUT

1. Pu Lalngatlianate nupa chu Bawngkawn atangin Pu Lallianzuala 'T' Sectionte Inah.

2. Pu Khaisianthangate chhungkua chu Tuikhuahtlang atangin Pu L.Nghakliana 'T' Sectionte Inah.

3. Tv Josua Lalchhandama chu Bukpui atangin Pu R.Pakunga 'T' Sect Inah.

VAWK NOTE

Hengah te hian Vawk Note lei tur a awm e...

Pi Buangpuii w/o Pu Lalthuama T-sec
Pi Lalkhawthangi m/o Lalfela CH-sec
A man chu mi tih dan ang tho a ni

President
Pig Producer Society
Chanmari West

MAMA SHOE STORE

Mipa pheikhawk Smart Shoe leh Sneaker chi hrang hrang a man tlawm atang a to ber thleng, Branded chi hrang hrang awmna Intac Shoe. Original pawh a awm e. Veng mite duhsak an ni e. Ni 10.12.2012 (Thawhtan) atang khian zana pawh dawr theih kan ni dawn e. Min rawn dawr turin kan sawm a che u.

Millenium Centre
3rd Floor, D-73

Contact

Vanromawia (Mawia)
(1-4) 9862957982

Vawk Note duh tan

Vawk note tha tak duh tan kan nei reng e, a kal hmasa a piang duhsak an ni ang.

Lalthuama 'T' Section

SMS

SMS thawna tur : 9862358337.

☞ Electriict current kan neih chhiat dan em em hi kan vengah VIP leh VVIP kan neih loh vang a ni ang. Min hmusit a ni ang, hmusit awm rengin thil pawimawh kan vengah hian a awm ve lova, kan tuar tlawk tlawk mai ang chu.
8731917058

☞ Veng pawn lam atang rawn leng lirthei khawih chingpen sak a ni fo mai hi sim a va tha em, kan mualpho thui hma hian.

9774406308

SMS kan dawnte hi Editorial

Board ngaihdan a ni vek kher lo.

KEIMAHNI

☞ Ni 2.12.2012 (Pathianni) khan Pasaltha Neuva Inah YMA AW semtute lawmthu sawina thil pek a ni a, YMAAW semtu la dawng ve lo ten Editor inah lam tur a ni e.

☞ Pu Vanromawia Mama Shoe Store neitu leh CVTTP chuan kan thingpui hmeh min tum sak a, kan lawm hle mai.

VOLLEYBALL MANAGING BOARD

☞ Mizoram Ex-Service League hmalakna in infiam mite tan ni 13.12.2012 zing 9:30 hian Tuikual Indoor Stadium Assam Regiment Centre, Shillong chuan Volleyball Player tur trial a rawn nei dawn a, kum 17 atanga 21 inkar tan dil theih a ni. Volleyball Players dil duhte chuan hruaitute hnenah a ranglama inhriattir tur a ni.

TUI KAN PE THEI

Tui thianglim tak mamawh tan englai pawhin kan pe thei reng e.

Dinga 'CH Section'
9560523420 (1-4)

NAUPANG DRAMA WORKSHOP

Helen O'Grady International chuan a hnuai mi ang hian chooh chawlh chhungin Drama Workshop a buatsaih dawn. Mipa leh Hmeichhie naupang a duh apiang tan admission tih theih a ni ta.

Ahmun : H. Rallian Building

Bethel Lungphun Bul

Chaltlang, Bethel

A hun : 17.12, 2012 - 12.1.2013

Fee : Rs 1500/-

Age Group : 3yrs - 14yrs

Contact : 8974003592/9862740076

I fa tan malsawmna bul tan rawh le!! Let your child come and join the FUN!! (1-3)